



ЭРДЭС БАЯЛАГ, ЭРЧИМ ХҮЧНИЙ
САЙДЫН ТУШААЛ

2011 оны 6 сарын 8 өдөр

Дугаар 137

Улаанбаатар хот

Нөөц бүртгэх тухай

Монгол Улсын Засгийн газрын тухай хуулийн 24 дүгээр зүйлийн 24.2 дахь заалт, Эрдэс баялгийн мэргэжлийн зөвлөлийн 2011 оны 4 дүгээр сарын 18-ны өдрийн өргөтгөсөн хуралдааны 03 дугаар дүгнэлтийг тус тус үндэслэн ТУШААХ нь:

Нэг.Зүүнбаян, Цагаан-Элс (97БХГ)-ний ордод 2010 оны 12 дугаар сарын 31-ний байдлаар газрын тосны геологийн нөөцийг тос агуулагч 18.3 км² талбайн ТЕ-14, ТЕ-1, ТЕ-27, ZB ба SWZB, EZB-1, EZB-4, WTE-1 гэсэн 7 блокт баталгаат зэрэглэлээр 26055.94 мян. тн буюу 186300.0 мян. баррелиар, 49.36 км² талбайн WTE-2, EZB хагарлын бүсийн 3 блокт боломжит зэрэглэлээр 25580.42 мян. тн буюу 182900.0 мян. Баррелиар. Үүнд:

- 1.1.Ашиглалтын нөөцийг баталгаат зэрэглэлээр 2079.12 мян. тн буюу 14865.70 мян. баррелиар,
- 1.2.Олборлосон тосыг 2010 оны 12 дугаар сарын 31-ний байдлаар баталгаат нөөцөөс 831.23 мян. тн буюу 5943.29 мян. баррелиар, боломжит нөөцөөс 0.04 мян. тн буюу 0.28 мян. баррелиар,
- 1.3.Үлдэгдэл ашиглалтын нөөцийг баталгаат зэрэглэлээр 1247.89 мян. тн буюу 8922.41 мян. баррелиар тус тус Монгол Улсын ашигт малтмалын нөөцийн нэгдсэн санд бүртгэхийг Ашигт малтмалын газар /Д.Батхуяг/-т даалгасугай.

Хоёр.Зүүнбаян, Цагаан-Элс (97БХГ)-ний ордын газрын тосны нөөцийн хөдөлгөөнийг жил бүр зохих журмын дагуу хийж, АМГ-ын Геологийн мэдээллийн санд бүртгүүлж байхыг Газрын тосны газар /Д.Амарсайхан/ болон “Доншен газрын тос /Монгол” ХХК-д даалгасугай.


Гурав.“Доншен газрын тос /Монгол” ХХК-д даалгах нь:

3.1.Нөөцийн үр дүнгийн тайланг зохих журмын дагуу дахин боловсруулж, Эрдэс баялаг, мэргэжлийн зөвлөлийн хуралдааны энэхүү дүгнэлт, Эрдэс баялаг, эрчим хүчний сайдын тушаалыг хүлээн авсан өдрөөс хойш 2 сарын хугацаанд шинжээчид болон ЭБМЗ-ийн холбогдох гишүүдээр хянуулан, Газрын тосны газарт болон Ашигт малтмалын газрын Геологийн мэдээллийн санд тус тус хүлээлгэн өгөх.

3.2.Дээрх 3.1 дэх заалтыг хугацаанд нь хэрэгжүүлээгүй тохиолдолд зохих арга хэмжээг авахыг анхааруулах.

Дөрөв. Монгол Улсын газрын тосны нөөцийн ангилалын зааврыг боловсруулж, Эрдэс баялгийн мэргэжлийн зөвлөл, Эрдэс баялаг, эрчим хүчний сайдын зөвлөлөөр тус тус хэлэлцүүлэн, шийдвэрлүүлэхийг Газрын тосны газар /Д.Амарсайхан/, Эрдэс баялаг, эрчим хүчний яамны Түлшний бодлогын газар /А.Эрдэнэпүрэв/-т даалгасугай.

Тав. Энэхүү тушаалын хэрэгжилтэнд хяналт тавьж ажиллахыг Эрдэс баялаг, эрчим хүчний яамны Төрийн нарийн бичгийн дарга /Д.Хүрэлбаатар/-д үүрэг болгосугай.



САЙД

Д.ЗОРИГТ